

TOGRA BHEALACH ÉISC ÁTH AN CHOITE COMHTHÉACS AN TOGRA



Sainaitníodh Cora Áth an Choite mar bhac suntasach ar shaorghluaiseacht éisc. Tá sé mar aidhm ag Togra Bhealach Éisc Áth an Choite aghaidh a thabhairt air seo trí Abhainn na Maoilchearna a chur ar ais ina foirm nádúrtha le sruth reatha inti.



Tógadh an chora chun muileann a chumhachtú ach anois tá sé ina bhac mór do speicis amhail loimpre, bradáin agus breac.

• Is pointe ríthábhachtach é Cora Áth an Choite ar an taobh sin de Dhobharcheantar na Maoilchearna atá i dtreo bhéal na habhann agus tá sé ag athrú sreabhadh nádúrtha dríodair, foirmiú gnáthóg, ag cur isteach ar nascacht idir aibhneacha agus déanann sé gnáthóga uisceacha a scoilteadh.



Bunaíodh Grúpa Idirghníomhaireachta don tionscadal seo lena n-áirítear ionadaithe ó:

Iascach Intire Éireann (IIÉ)	An Roinn Comshaoil Aeráide agus Cumarsáide
Oifig na nOibreacha Poiblí (OOP)	An Roinn Tithíochta, Rialtais Áitiúil agus Oidhreachta
Comhairle Cathrach agus Contae Luimnigh	An tSeirbhís Páirceanna Náisiúnta agus Fiadhúlra (NPWS)
Bord Soláthair an Leictreachais (BSL)	Clár Uisce na nÚdarás Áitiúil (LAWPRO)



Tá géarchéim bithéagsúlachta domhanda ann agus rátaí díothaithe speiceas ag dul i méid.¹ Deir an tuarascáil Innéacs Pláinéad Beo (LPI) is déanaí a d'eisigh WWF agus Zoological Society of London go bhfuil líon na speiceas fionnuisce tite 85% le leathchéad bliain anuas. I mí na Bealtaine 2019, bhí Éire ar an dara tír ar domhan a d'fhógair éigeandáil aeráide agus bhithéagsúlachta. Is den riachtanas é go ndéanfaí gníomh anois chun cailleadh bithéagsúlachta na hÉireann a chosc trí athruithe ar nós Togra Bhealach Éisc Áth an Choite a dhéanamh.

Foinse: Tuarascáil na Náisiún Aontaithe: Meath Contúirteach an Dúlra 'Gan réamhshampla'; Rátaí Díothaithe Speiceas 'Ag Luathú'



An Comhthéacs Reachtach

• Tá sé mar aidhm ag **Straitéis Bithéagsúlachta an AE 2030** go mbeidh 25,000 km d'aibhneacha ag sreabhadh go saor faoi 2030. De réir na straitéise seo, tá sprioc ag 4ú Plean Gníomhaíochta Bithéagsúlachta Náisiúnta na hÉireann 2023-2030 a éilíonn go ndéanfaí 300 km d'aibhneacha a athbhunú sa chaoi is go mbeidh siad ag sreabhadh go saor.

• Is rialachán nua de chuid an **Choimisiúin Eorpaigh é Dlí an AE** um Athbhunú Dúlra chun 20% ar a laghad de limistéir talún agus farraige an AE a athbhunú faoi 2030 agus le go gcuirfí gach éiceachóras a bhfuil gá lena athbhunú ina cheart faoi 2050.

• Is é cuspóir **Chreat-Treoir Uisce an AE (2000/60/CE)** cáilíocht uisce a chosaint chun dea-stádas éiceolaíochta a bhaint amach. Tugtar an Plean Gníomhaíochta Uisce 2024 ar 3ú Plean Bainistíochta Abhantraí na hÉireann. Luaitear Cora Áth an Choite go sonrach ann mar thionscadal píolótach sa chlár maolaithe.

• An **Treoir AE maidir le Gnáthóga (92/43/EEC)**: Tacaíonn an tionscadal seo go díreach leis na cuspóirí caomhantais do SAC na Sionainne Íochtarai, a bhfuil sé mar aidhm aige inrochtaineacht abhann a mhéadú do speicis imirceacha ar nós bradáin an Atlantaigh agus loimpre.

• Éilíonn **Rialachán Eascann an AE (1100/2007)** ar thíortha an AE bearta athshlánaithe a chur i bhfeidhm do phobal eascann san Eoraip. Cabhróidh tionscadal bealach éisc Áth an Choite leis an sprioc seo a bhaint amach.

OPTIONS

Rogha A – Cuid den Chora a Bhaint

An chuid thoir den chora a bhaint, an dréimire éisc atá ann cheana féin san áireamh. Cainéal na habhann a athbhunú le Grádán 1:200. Oibreacha teannta a dhéanamh ag deireadh na cora reatha. Struchtúr Chomhla an Mhuilinn a choinneáil, le balla nua ar an taobh thuas den abhainn chun an Sruth Muilinn a leathnú. Sampla dá Leithéid atá ann Cheana: Cora Bhaile Cloch, An Mhaoilchearn

Rogha B – An Chora ar fad a Bhaint

An struchtúr ar fad a chuireann bac ar éisc a bhaint. Laghdódh sé seo an leibhéil tuile go suntasach ar an taobh thuas den abhainn, gan aon tionchar a bheith aige ar leibhéil tuile i dtreo bhéal na habhann. Cainéal na habhann a athbhunú go staid níos nádúrtha a fheabhsaíonn hidrea-mhoirfeolaíocht agus an éagsúlacht éiceolaíochta. Na bunghnéithe stairiúla in aice leis an muileann cosanta a fhágáil mar atá agus balla nua a chur isteach ar an taobh thuas den abhainn chun an Sruth Muilinn a leathnú.

Rogha C – An Dréimire Éisc Reatha a Athchóiriú

An chora ar fad a choinneáil, an dréimire éisc atá ann cheana féin san áireamh. Struchtúr Chomhla an Mhuilinn a choinneáil. An dréimire éisc athchóirithe, an grádán agus an socrúchán sciatha feabhsaithe go measartha. Tá méid an athchóirithe seo srianta ag an leagan amach reatha.


Rogha D – An Chora Reatha a ísliú in éineacht le bealach éisc a chur isteach. An chora atá ann faoi láthair a choinneáil, leibhéal círneach na cora a ísliú de 1m. An dréimire éisc reatha a bhaint. Bealach éisc nua a chur isteach (rampa carraige ar an taobh thuas den abhainn). Struchtúr Chomhla an Mhuilinn a choinneáil, le balla nua ar an taobh thuas den abhainn chun an Sruth Muilinn a leathnú. Sampla dá Leithéid atá ann Cheana: Baile na Carraige, Ceatharlach



OPTIONS



Rogha E – Bealach Éisc Rampa Carraige a chur isteach i dtreo bhéal na habhann ón gCora. An chora reatha a choinneáil. An dréimire éisc reatha a bhaint. Rampa carraige nua a chur isteach ar an taobh thuas den abhainn. Struchtúr Chomhla an Mhuilinn a choinneáil. Sampla dá Leithéid atá ann Cheana: Cora Bhaile an Chaisleáin, Baile an Chaisleáin, Co. Laoise




Rogha F – Bealach Éisc Rampa Carraige a chur isteach ar an taobh thuas den abhainn ón gCora. An chora reatha a choinneáil. An dréimire éisc reatha a bhaint. Rampa carraige nua a chur isteach ar an taobh thuas den abhainn. Struchtúr Chomhla an Mhuilinn a choinneáil. Sampla dá Leithéid atá ann Cheana: Wuppertal, an Ghearmáin



Rogha G - Seach-chanáil

An chora reatha a choinneáil. An dréimire éisc reatha a bhaint. Seach-chanáil nua a chur isteach ar bhruach na habhann ar an taobh thoir. Struchtúr Chomhla an Mhuilinn a choinneáil. Sampla dá Leithéid atá ann Cheana: Bealach Éisc Bevere, Worcester, Sasana.



Rogha H – Í a Fhágáil mar Atá

An chora reatha agus an dréimire éisc reatha chomh maith le struchtúr Chomhla an Mhuilinn a choinneáil. Ní ligfidh sé do gach speiceas éisc an chora a thrasnú, áfach.

AMLÍNTE AN TOGRA AGUS NA CÉAD CHÉIMEANNA EILE

TÁ TÚ ANSEO

Aiseolas ó pháirtithe leasmhara
R1 2025

Chun tacú leis an bpróiseas cinnteoireachta

An Rogha Tosaíochta a Aithint
Na Doiciméid don Iarratas Pleanála a Ullmhú
R2 go R3 2025

Réamhdhearadh agus Measúnú Timpeallachta

Aighneacht Phleanála
R3 2025

Próiseas Reachtúil

Conraitheoir a Sholáthar
R1 2026
Faoi réir Chead Pleanála

Dearadh mionsonraithe, sonraíocht tairisceana, comórtas & dámhachtain

Tógáil
R3 2026
Ag brath ar an tréimhse den bhliain ina gceadaítear oibreacha tógála a dhéanamh in aibhneacha

An Próiseas Forfheidhmithe agus Tógála a bhainistiú

Aistriú & Coimisiúnú
R4 2026

Cuntas deiridh, comhad sábháilteachta agus líníochtaí taifid tógála

Sonraí Teagmhála

Is mór ag foireann an togra tuairimí a fháil ar an togra agus fáiltíonn siad roimh thuairimí ón bpobal agus ó pháirtithe leasmhara.

Chun tuilleadh eolais a fháil faoin tionscadal téigh chuig www.fisheriesireland.ie/annacotty nó is féidir leat teagmháil a dhéanamh le foireann an tionscadail leis na sonraí teagmhála thíos.

Seoladh Poist: An Rannóg Náisiúnta um Maolú Bacainní, Iascach Intíre Éireann, Teach Breac, Oileán an Iarla, Gaillimh, H91 E2A2. Ríomhphost: annacotty@fisheriesireland.ie nó glaoigh ar 052 6170072